

楚辭

冊三

楚辭

卷一

楚辭卷第四

校書郎臣王逸上

九章章句第四

離騷

惜誦

一作惜論

涉江

哀郢

抽思

懷沙

思美人

惜往日

橘頌

悲回風

九章者屈原之所作也屈原放於江南之極思君念國憂心罔極故復作九章

史記云上官大夫短屈原於頃襄王王怒而遷之乃作懷沙之賦則九章之作在頃襄時也

章者著也明也

言己所陳忠信之道甚著明也卒不見納委命自沈楚人惜而哀之世論其詞以相傳焉

卒釋文作碎騷經之詞緩九章之詞切淺深之序也五臣云九義與九歌同

惜誦以致愍兮

惜食也誦論也致至也愍病也言己貪忠信之道可以安君論之於心誦之於口至於身以疲

病而不能忘愍一作閔補曰愍音敏惜誦者惜其君而誦之也

發憤以抒情

憤懣也抒澌也言己身雖疲病猶發憤懣

作此辭賦陳列利害澌己情思以風諫君也抒一作舒補曰抒澌水槽也音署杜預云申抒舊意然文選云抒情素又曰抒下情而通諷諭其字竝从手上與

丈呂所作忠而言之兮

言己所陳忠信之道先慮於心合於仁義乃敢爲君言之也作一作非一

本忠下有心字補曰作爲也下文云作忠以造怨

指蒼天以爲正

春曰蒼天正平也設君謂己作言非邪願

上指蒼天使正平之也夫天明察無所阿私惟德是輔惟惡是去故指之以爲誓也補曰正音征叶韻

令五帝以枿

中兮

五帝謂五方神也東方爲太皞南方爲炎帝西方爲少昊北方爲顓頊中央爲黃帝枿猶分也言己復命五方之帝分明言是與非也一

本作折中補曰枿與析同按史記索隱解折中於夫子引此爲證云折中正也安均云折斷也中當也言欲折斷其物而用之與度相中當故言折中也中陟

仲切

戒六神與嚮服

六神謂六宗之神也尙書禋於六宗嚮對也服事也言己願復令六宗之神對聽己

言事可行與否也一云以鄉服補曰孔叢子云宰我問裡於六宗孔子曰所宗者六埋少牢於太昭祭時也祖迎於坎壇祭寒暑也主於郊宮祭日也夜明祭月也幽縈祭星也雩縈祭水旱也裡於六宗此之謂也孔安國王肅用此說又一說云六宗星辰風伯雨師司中司命一云乾坤六子顏師古用此說一云天地四時一云天宗三日月星辰地宗三太山河海一云六爲地數祭地也一云天地間游神也一云三昭三穆王介甫用此說一云六氣之宗謂太極沖和之氣蘇子由云捨祭法不用而以意立說未可信也

俾山川以備御兮

俾使也御侍也

命

咎繇使聽直

咎繇聖人也言己願復令山川之神備列而處使御知己志又使聖人咎繇聽我之言忠直與否也夫神

明照人心聖人達人情故屈原動以神聖自證明也命一作會使一作補曰舜舉咎繇不仁者遠惟茲臣庶罔或干予正故使之聽直竭忠

誠曰事君兮

竭盡一本君下有子字

反離羣而贅眊

羣衆也贅

眊過也言己竭盡忠信以事于君若人有贅眊之病與衆別異以得罪謫也補曰贅之芮切眊音尤瘤腫也莊子曰附贅懸眊

忘儇媚

以背衆兮

儇佞也媚愛也背違也言己修行正直忘爲佞媚之行違背衆人言見憎惡也補曰儇隲緣切說文慧也一曰利也

言己忘佞人之害己爲忠
直以背衆背音佩

待明君其知之

須賢明之君則知己之忠也書曰知人則

哲秦繆公舉由余齊桓任管仲知人之君也一本無明字

言與行其可迹兮

出口爲言所履爲迹

情與貌其不變

志願爲情顏色爲貌變易也言己吐口陳辭言與行合誠可循迹情貌相副內外若一終不變

易也

故相臣莫若君兮

言相視臣下忠之與佞在君知之明也補曰相視也息亮切傳曰知臣莫

若君

所以證之不遠

證驗也言君相臣動作應對察言觀行則知其善惡所證驗之迹近取諸身而不遠

也一本之下有而字

吾誼先君而後身兮

言我所以修執忠信仁義者誠欲先安君父然後乃

及於身也夫君安則己安君危則己危也補曰誼與義同人臣之義當先君而後己

羌衆人之所仇

羌然辭也

怨耦曰仇言在位之臣營私爲家己獨先君後身其義相反故爲衆人所仇怨一本羌下有然字一本仇下有也字

專惟君而

無他兮

惟一作思一作爲

又衆兆之所讎

兆衆也百萬爲兆交怨曰讎言己專心思

欲竭忠情以安於君無有他志不與衆同趨故爲衆所怨讎欲殺己也兆一作人一本讎下有也字

壹心而不豫

今

豫猶豫也

羌不可保也

保知也言己專壹忠信以事於君雖爲衆人所惡志不猶豫顧君心不可保知易傾

移也一本此句與下文皆無也字

疾親君而無他兮

疾惡

有招禍

之道也

招召也言己疾惡讒佞欲親近君側衆人悉欲來害己有招禍之道將遇咎也

思君其莫

我忠兮

言衆人思君皆欲自利無若己欲盡忠信之節忠一作知補曰此言君不以我爲忠也

忽忘身

之賤貧

言己憂國念君忽忘身之賤貧猶願自竭

事君而不貳兮

貳二也而一作其

迷不知寵之門

迷惑也言己事君竭盡信誠無有二心而不見用意中迷惑不知得遇寵之門戶當何由之也

補曰老子云寵爲不寵非君子之所貴也屈原惟不知出此故以信見疑以忠被謗

忠何罪以遇罰兮

亦非余心之所志

言己履行忠直無有罪過而遇放逐亦非我本心宿志所望於君也一本

罰刑

此句末與下文皆有也字

行不羣以顛越兮

顛頽越墜

又衆兆之

所哈

哈笑也楚人謂相嘲笑曰哈言已行度不合於俗身以顛墮又爲人所笑也或曰衆兆之所異言已被放而顛越者行與衆殊異也補

曰哈呼來切說文云蚩笑也

紛逢尤以離謗兮

紛亂貌也尤過也補曰紛衆貌言尤謗之多也離遭

也謗不可釋

謗辭也釋解也言已逢遇亂君而被罪過終不可復解釋而說也一本句末有也字

情沈

抑而不達兮

沈沒也抑按也

又蔽而莫之白

言已懷忠貞之情沈

沒胷臆不得白達左右雍蔽無肯白達己心也一本句末有也字補曰情沈抑而不達人君不知其用心也又蔽而莫之白羣臣莫肯明己所存也

心

鬱邑余侘傺兮

鬱邑愁貌也侘猶堂堂立貌也傺倅也楚人謂失志悵然住立爲侘傺也心一作怵

又

莫察余之中情

言已懷忠不達心中鬱邑惆悵住立失我本志曾無有察我之中情也

固煩

言不可結詒兮

詒遺也詩曰詒我德音也固一作故一本結下有而字補曰詒音怡贈言也

願

陳志而無路

願思也路道也言已積思累日其言煩多不可結續以遺於君欲見君陳已志又無道路也補曰思美人

曰媒絕路阻兮言不可結而詒

退靜默而莫余知兮進號呼又

莫吾聞

言已放棄所在幽遠衆無知己之情也補曰號大呼也音豪

申侘傺之煩惑

兮

申重也言衆人無知己之情思念惑亂故重侘傺惓然失意也

中悶瞽之忡忡

悶煩也瞽亂也忡忡

憂貌也言已憂心煩悶忡忡然無所舒也中一作心補曰瞽音茂忡徒昆切悶也

昔余夢登天兮魂

中道而無杭

杭度也詩曰一葦杭之魂一作覓杭一作航補曰杭與航同許慎曰方兩小船並與共濟爲航

吾

使厲神占之兮

厲神蓋殤鬼也左傳曰晉侯夢大厲搏膺而踊也補曰禮記王立七祀有泰厲諸侯有公厲大

夫有族厲注云厲主殺罰

曰有志極而無旁

旁輔也言厲神爲屈原占之曰人夢登天無以渡猶

欲事君而無其路也但有勞極心志終無輔佐

終危獨以離異兮

言已行忠直身終危殆與衆人

異行之故

曰君可思而不可恃

恃怙也言君誠可思念爲竭忠謀顧不可怙恃能實

任己與不也

故衆口其鑠金兮

鑠銷也言衆口所論萬人所言金性堅剛尙爲銷鑠以喻讒言

多使君亂惑也補曰鑠書藥切鄒陽曰衆口鑠金積毀銷骨顏師古曰美金見毀衆共疑之數被燒煉以至銷鑠

初若是而

逢殆

殆危也言己志行忠信正直性若金石故爲讒人所危殆

懲於羹者而吹整

兮

言人有歡羹而中熱心中懲忒見整則恐而吹之言易改移也獨己執守忠直終不可移也一無者字一云懲於熱羹者一云懲熱於羹整一作鑿

一作鑿補曰懲戒也鑿音賈鄭康成云凡醢醬所和細切爲鑿一曰擣薑蒜辛物爲之故曰鑿曰受辛也

何不變此志

也

何不改忠直之節隨從吹鑿之志也一云何不變此之志一本自此句至又何以爲此援竝無也字

欲釋階而

登天兮

釋置也登上也人欲上天而釋其階知其無由登也以言我欲事君而釋忠信亦知終無以自通也補曰釋名云階梯也孟子

所謂完廩捐階是也易曰天險不可升語曰猶天之不可階而升欲釋階而登天甚言其不可也

猶有曩之態

也曩曩也言欲使己變節而從俗猶曩者欲釋階登天之態也言己所不能履行也猶有一作又猶補曰謂懲曩吹鑿之態衆駭

遽以離心兮又何以為此伴也伴侶也言己見衆人易移意中

驚駭遂離己心獨行忠直身無伴侶特立于世也一無衆字補曰言衆人見己所為如此皆驚駭遑遽離心而異志也同極而

異路兮又何以為此援也路道也言衆人同欲極志事君顧忠佞之行異道而

殊趨也援引也言忠佞之志不相援引而同也補曰援于願切接援救助也晉申生之孝子兮

一無父信讒而不好好愛也申生晉獻公太子也體性慈孝獻公娶後妻嬖姬生子奚齊立為太子因誤

申生使祭其母於曲沃歸胙於獻公嬖姬於酒肉置燭其中因言曰胙從外來不可信乃以酒賜小臣以肉食犬皆斃姬乃泣曰賊由太子於是申生遂自殺

故曰父信讒而不愛也補曰禮記曰晉獻公將殺其世子申生公子重耳謂之曰子盍言子之志於公乎世子曰不可君安驪姬是我傷公之心也然則盍行

乎曰不可君謂我欲弑君也天下豈有無父之國哉吾何行如之使人辭於狐突曰申生有罪不念伯氏之言也以至於死申生不敢愛其死雖然吾君老矣

子少國家多難伯氏不出而圖吾君伯氏苟出而圖吾君
申生受賜而死再拜稽首乃卒是以爲恭世子也

行婞直而

不豫兮

婞很也豫厭也
豫一作數

魋功用而不就

魋堯臣也言魋
行婞很勁直恣

心自用不知厭足故殛之羽山治水之功以不成也屈原履行忠直終不回曲
猶魋婞很終獲罪罰補曰申生之孝未免陷父於不義魋績用不成殛於羽山
屈原舉以自比者申生之用心善矣而不見知於君父其事有
相似者繇以婞直忘身知剛而不知義亦君子之所戒也

吾聞作

忠以造怨兮忽謂之過言

始吾聞爲君建立忠策必
爲羣佞所怨忽過之耳以

爲不然今
而後信

九折臂而成醫兮吾至今而知其

信然

言人九折臂更歷方藥則成良醫乃自知其病吾被放棄乃信知讒
佞爲忠直之害也一云九折臂而爲良醫一云吾至今而知其然一

云吾今而知其然補曰左氏云三折肱知爲良醫孔叢子云幸我問曰梁丘據
遇虺毒三旬而後瘳大夫衆賓復獻攻療之方何也夫子曰三折肱爲良醫梁
丘子遇虺毒而獲療諸有與之同疾者必問所以已之之
方焉衆人爲此故各言其方欲售之以已人之疾也

矰弋機而

在上兮

增淮南云矰繳機而在上 矰繳射矢也。矰亦射也。論語曰：矰不射宿。矰一作雉。補曰：矰音增。淮南云：矰繳機而在上，罔張而在下，雖欲期翔，其勢焉得。

注云矰弋射鳥短矢也機發也

尉羅張而在下

尉羅捕鳥網也言上有矰繳弋射之機下有張施尉羅之網飛

鳥走獸動而遇害喻君法繁多百姓動觸刑罰也補曰尉音尉記曰鳩化為鷹然後設尉羅下音戶

設張辟以娛

君兮

辟法也娛樂也補曰辟毗亦切說文云法也節制其罪也

願側身而無所

言君法繁

多讒人復更設張峻法以娛樂君已欲側身竄首無所藏匿也

欲儻偈以千僚兮

儻偈猶低偈也千求

也僚住也言已意欲低偈留待於君求其善意恐終不用恨然立住補曰儻知然切儻偈不進貌千僚謂求仕而不去也

恐重患

而離尤

尤過也言已欲求君之善意恐重得患禍逢罪過也補曰恐去聲重儲用切增益也離遭也

欲高飛

而遠集兮君罔謂汝何之

罔無也言已欲遠集宅國君又誣罔我言汝遠去何

之乎補曰言欲高飛遠集去君而不仕得無謂我遠去欲何所適也

欲橫奔而失路兮堅

志而不忍

言己意欲變節易操橫行失道而從佞爲心堅於石而不忍爲也一云蓋志堅而不忍

背膺

胖以交痛兮

膺也胖分也一本胖下有合字一云背膺敷胖其交痛補曰胖音判傳曰夫妻胖合也字林云胖半也

心鬱結而紆軫

紆曲也軫隱也言己不忍變心易行則憂思鬱結背分裂心中交引而隱痛也結一作約補

曰紆縈也軫痛也

擣木蘭以矯蕙兮

矯猶揉也擣一作擣矯一作擣揉一作揉補曰擣音擣斷木也

橋舉手也釋文古昂切

繫申椒以爲糧

申重也言己雖被放逐而棄居於山澤猶重繫蘭蕙和糗衆芳

以爲糧食飲有節修善不倦也繫一作繫補曰左傳曰糗食不繫繫精細米說文曰糗米一斛春九斗曰繫並音作

播江離與

滋菊兮

播種也詩曰播厥百穀滋時也

願春日以爲糗芳

糗補也言己乃種江

離時香菊采之爲糧以供春日之食也補曰糗去久切乾飯屑也孟子曰飯糗茹草江離與菊以爲糗精取其芳香也精音備

恐情質

之不信兮

情志也質性也質一作志

故重著以自明

言我修善不懈恐君

不深照己之情故復重重深陳飲食清
潔以自著明也補曰重直用切

矯茲媚以私處兮

矯舉也茲

此也釋文作橋居表切補
曰橋本從手舉手也

願曾思而遠身

曾重也言已舉此衆
善可以事君則願私

居遠處唯重思而察
之補曰曾音增

惜誦

此章言己以忠信事君可質於明神而為讒邪
所蔽進退不可惟博采衆善以自處而已

余幼好此奇服兮

奇異也或曰奇
服好服也

年既老而不

衰

衰懈也言己少好奇偉之服履忠直之行至老
不懈五臣云衰退也雖年老而此心不退

帶長鋏之陸

離兮

長鋏劍名也其所握長劍楚人名曰長鋏也五臣云陸離劍低昂貌
補曰鋏古挾切莊子曰韓魏為鋏注云鋏把也史記曰彈劍而歌曰

長鋏歸來乎文選注云鋏
刀身劍鋒也有長鋏短鋏

冠切雲之崔嵬

崔嵬高貌也言己內
修忠信之志外帶長

利之劍戴崔嵬之冠其高切青雲也嵬一作巍
五臣云切雲冠名補曰崔音摧嵬並五回切

被明月兮珮寶

璐

在背白被寶璐美玉也言己背被明月之珠要佩美玉德寶兼備行度清白也珮一作佩五臣云被猶服也明月珠名補曰淮南曰明月之珠不能

無賴注云夜光之珠有似月光故曰明月璐音路說文云玉名

世溷濁而莫余知兮

溷亂也濁

食也一無

吾方高馳而不顧

言時世貪亂遭君蔽闇無有知我之賢然猶高行抗志終不回

曲也一本句末有兮字五臣云言我冠帶佩服莫不盛美加之忠信貞潔而遭世溷濁無相知者顧世上如此故高馳不顧願駕虬螭而遠去也

駕

青虬兮驂白螭

虬螭神獸宜於駕乘以喻賢人清白宜可信任也五臣云虬螭皆龍類補曰虬見騷經螭見九

歌

吾與重華遊兮瑤之圃

重華舜名瑤玉也圃園也言己想侍虞舜遊玉園猶

言遇聖帝升清朝也遊一作游一云瑤石次玉也補曰山海經云槐江之山上多琅玕金玉實惟帝之平圃

登崑崙兮

食玉英

猶言坐明堂受爵位崑崙一作崑崙食一作食五臣云瑤圃玉英皆美言之補曰爾雅西北之美者有崑崙虛之瑤琳琅玕焉

援神契曰玉英玉有英華之色

與天地兮同壽與日月兮同光

楚

辭卷四

八中華書局聚